

八瓊室金石補正續編

唐十五

邵真馬夫人墓誌銘

方一尺二寸五分十三行十三字方格徑九分弱正書在京師燈市口大柵欄市端方家

邵君墓誌

題四字徑一寸分均正書

維大唐相州林慮縣故土邵府君任馬夫人墓誌銘并序君

諱真字真魏郡人也曾祖父馬大將軍□任益州刺史魏郡

安陽開元廿四年十月廿六日丙申故人邵字□妻馬幼倫

女功長閑婦德共勤孝敬和合軀儀哲人不壽奄及秋風十

月廿六日終於私室開元廿四年歲次丙子十月丁未朔廿

六日壬申合葬於李村北一里平原禮也嗣子恐山海遷變

獨題碑記何面一旦福人乖壽遊冥寥泉扃獨守名存歿千齡

孤子連環造墓誌也

此誌刻支離復脊不成文字不足存也盡潦草胡多錯亂失久正仕字不知何字更
誤題解記解不可識何而下當是銘詞

定州刺史段愔祈霖降雨頌殘幢

頌存上截二尺六寸第一面有題額在上合存四尺一寸五分八面一三五七面廣五寸四分頌各四行二四六八面廣四寸四分頌至第六面止各三行共二十一行行存二十字字體一寸行書第六面末題名一行合第七面五行第八面四行共為十行行字多寡大小不一正書在定州

大唐定州刺史段公祈岳降之頌

題額二行十四字
字體一寸四分

大唐定州刺史段公祈霖降雨之頌

宋賁

數撰

以下斷闕

疆

先王疆理

外分侯伯

以

脩貢職

緡熙黎元

下里而

有一賢則

收段公之謂矣

初公以甲戌歲蒞

若春肅乎

若神將使闔境之內

醉純德而飽仁

若曰

紀是察所以深

探逋藪大室

紆源也夫懷遠在於德

於素梓

作於耕

明

松家於是乎安其業矣其明年下亭傳人於是乎不識吏矣
又明年也歲大旱自正月下皇穹以□息對空□而掩首□
憂稼穡之憊稔懼黎下告□□□啓靈□潔清心昭□于
神曰今旱既下而□□香焚而雨□□雨返於□□□
□□□下勸畫□□□無□耕今則□□□
□□下姑臧人因官東還今為河南人也周桓王之後累
仁下部侍郎尚書左右丞洛州刺史父嗣其東光令贈□下
友天成豫樟七歲大鵬六月弱冠明經擢第拜相州下都
督自京兆尹拜金吾將軍自代□深□郊□下承清塵也
如□□□□□□□□□□下也□□□□□□

□□□□□□□□□□□□□□□□_下守左果毅都尉□□

□□□□□□□□□□□□□□□□_下之德其可忘乎乃相與刻

石頌勲傳之不朽□□詞曰_下代有明德緒業□□芳宗周遠系

昔侯王芳自公下□□_下公禱芳出車紅塵返塗潦芳良農力

農

穡□有秋芳由_下

□興寺上坐嘉會大雲寺上坐守素僧道_{初下}

八提行
□□司

履

徒利賓騎都尉白履□右驍衛翊衛樂_{初下}驍騎尉朱思欽

武騎尉高仁感翊衛段文才前望都縣□□楊知□□品孫

李嗣宗_{初下}來文郁溫思忠宋敬宗劉元琛趙阿什安都□

龍_{初下}宋□恩□□仁_{初下}李敬賓劉延暉張□□李仙舟劉

難

六郎丁□二□阿難下騎□尉□□武騎尉段仁曹□

騎尉段思□鄉貢段紹陵下宣德郎行叅軍李孚文林郎

守叅軍王銳文林郎守博士宋□禮□□下徵事郎

守錄事叅軍李晟奉義郎初叅軍初朝請郎行下朝請大

夫長史兼北平軍副使上柱國韋有功朝議郎行安喜縣

令□博聞朝議郎行義□下興觀□□張子明張

先覺馬□□□觀道士逢懷道展栖霞魏初

州治西二里許萬歲寺久頽廢道光已酉知州竇琳因修

志搜求古迹得八角碑於寺之故墟僅存其半殘缺不可

讀首行云大唐定州刺史段公祈歡降雨之頌碑文大意

謂段公歷任境內醉德飽仁家安其業民不識吏歲旱祈

神香焚雨降又有云周桓王之後頌詞內亦有宗周遠兮

繼輝按碑作系昔侯王兮八字惜不知段公何名也物以人重當

存之以志段公德政因移置於眾春園

定州志

此幢下截已失上半截亦剝蝕殆盡其立石年月及段公

之名皆不載可辨者第一行云大唐定州刺史段公祈嶽

降雨之頌宋賁敷撰攷曲陽縣有開元二十三年北嶽神

君碑其碑陰紀段使君德政云公諱愔字崇簡官定州刺

史其列銜與此同蓋幢即為愔立也又云姑臧人因官遷

繼輝按邊上有東字此脫今為河南人也考北史段榮傳云姑臧武威

人唐書宰相表段氏世居武威後徙河南兩說皆與幢同
又云□部侍郎尚書左右丞洛州刺史此題銜與曲陽碑
所敘惜王父乾歷官同又云父嗣□諱審類基字授堂金
石跋釋曲陽碑曰嗣皇殆誤又云東光令考曲陽碑烈考
嗣□韓王府功曹潤州司參軍滄州東光縣令亦與此幢
同第此所敘較略耳又云初公以甲戌歲又云其明年又
明年考甲戌乃唐元宗開元二十二年曲陽碑以二十三
年立此碑當以二十四年立其時正同也

通志 畿輔

幢因刺史段惜禱雨得應吏民頌德而立撰文人宋寅
敬無攷北嶽廟碑陰德政紀下題名有義豐縣尉宋季

數未知是兄弟行否。幢敘政績略與德政紀同。而此較
質實。惜殘闕過甚。不能徵其措施條理耳。且避明皇御
名。缺下丰字。非殘蝕也。

孔水投龍壁記

高一尺三寸廣二尺二寸六分二十四行行十三
字字徑六分正當在房山西北五十里萬佛堂

維開元廿七年歲在己卯春三月府城西南有大房山孔水
其水也地僻幽閑石堂華麗雲峯橫嶺寃度千齡清泉引流
勢將万古耿不拔俗之士度白雲以方臨蕭灑出塵之賢干
青天而直上信知山水之靈矣伏惟開元聖文神武皇
帝纂承洪業肇自開元率土晏清廿七年矣去開元廿三年內
供奉□□呂慎盈奉勅於此水投龍壁暨廿四載□□
□□又奉勅於此投龍壁今又奉勅於此投龍壁焉
于時有御史大夫南陽張公諱守珪為府主矣監官功曹叅

段暉法師□□□□使上坐李義遠平安風高味虛張若
水龐味道杜崇□□西昇□崇□童子□延忠等三日三夜
登壇投告旦夫陵谷推移百齡詎幾僕遂斐然書美封山刊
焉詞曰丹嶺嵯峨雙峯邈迤涿水涓涓清泉泚泚蘭蕙
淒淒松風靡靡百草開葩衆花吐藹刊龍壁之有功德千齡
兮無毀□□□威儀張湛詞

右大房山碑原無題額張湛詞序云開元廿七年己卯三
月府城西南有大房山孔水自廿三年內供奉呂慎盈奉
敕投龍壁廿四年又投壁至是而三矣按道家有金龍玉
簡學士院撰文具一歲齋醮投於名山洞府則龍壁為二

物金石錄所載雲門山投龍詩北海太守於天寶元默歲
下元日投金龍環壁於此山是也元宗崇信道家之說祭
祀無秩碑云法師平步風張若水高味虛童子延忠等三
日三夜登壇投告僕恐陵谷推移封山刊焉不僅廢資祈
福為無謂使封山出於臣下尤可嗤也

金石錄補

記稱時有御史大夫南陽張公諱守珪為府主按兩書
張守珪傳開元二十一年轉幽州長史兼御史中丞河
北節度副大使加採訪處置等使二十七年左遷括州
刺史於其擢御史大夫幽州大都督皆脫漏也守珪傳
言陝州河北人

河北縣即平陸縣天寶三載改

碑言南陽舉其望耳撰

詞者威儀張湛前跋作謾誤六典凡道觀觀主一人上
座一人監察一人道士修行有三號號一曰法師二曰威
儀師三曰律師其德高思精者謂之鍊師湛以道士作
記自稱亦曰僕他處罕見且避睿宗諱旦缺筆而此旦
字上下文義兩不連屬屬或是且字以形近改寫故誌石
中祖字往往作袒也碑所闕字皆後人有意磨除不解
何故

易州鐵像頌

開元二十七年五月三日
萃編載卷八十三

城

開北山通車道

缺上三字移高陽軍營入城

缺上四字

初稿以懷表

龍興觀明皇注道德經石臺

并圖表

此乃舊稿未及公故發為得殊

元宗御注道德經 邢州本

紫石三層為臺高一丈四尺八面而廣二尺第一面上層之上俄為額額下收二行經十一行直貫中下二層二三四五六面經各十四行行一百二十餘字不等七面經七行較七行字均經八分小字半之八面上層比臺年月二行均正書中層刻宋重修經臺記在邢臺天甯寺

大唐開元聖文神武皇帝注道德經齋銘

篆額陽文十六字

勅替在元聖強著元言摧輿真宗啓迪來裔遺文識在精義

頗菲擢其指歸雖蜀嚴而猶病摘其章句自河公而或略其

餘浸微固不足數則我元元妙旨豈其將墜朕誠寡薄肯

感斯文撰承有後之慶恐失無為之理每因清宴輒叩元關

隨所意得遂為箋註豈成一家之說但備遺闕之文奉茲絕

唐開元廿七年八月五日

華是詢於衆公卿臣庶道釋二門有能起予類於卜商鍼疾
同於左氏渥於納善朕所虛懷苟副斯言必加厚賞且如諛
神自聖矣非此流懸市相矜亦云小道既其不諱咸可直言
勿為來者所嗤以重朕之不德

開元廿年十二月十四日

經文別列

勅天地以大德生群有聖人以大寶守萬物古者受命之君
謂之承天之序明有所代夫豈徒然若道無欽崇命不永保
帝寶臨汝人曷戴君朕所以每其庶乎合於仁覆之意也夫
宓犧神農□□堯舜或誅而不怒或教而不誅彼亦何為猶

臻于此朕自有天下二紀及茲雖未能盡衣以□亦未曾□
人於□而政猶踳駁俗尚澆醜當是為理之心未返於本耳
凡人豈不仁於父母兄弟不欲於飲食衣服乎而卒被無辜
友之名不溫飽之困其故何哉蓋未聞義方不識善道或任
小智而為詐或見小利□□得致遠則窮繼之以暴已而身
受戮辱家不相保愚妄之徒類多自陷獄訟之弊□□□□
□悲乎亦在教之不明也蓋刑罰者不獲已而用之天下黔
黎皆朕赤子以誠告示其或知歸何必用威然後致理先務
仁恕□□不懷之且如五常循行豈洎深識六親和睦何待丁
□□自宜勉之以副所望刑措不用道在於□獻歲之吉迎氣

伊始敬順天常無違月令所由長吏可舉舊章諸有嫗伏孕
育之物蠢動生□之類慎無殺伐□□友傷九土異宜三農
在候發衆興役妨時害功特宜禁心以助春事至若家有征
鎮人□孤惻物向陽和此獨憂惻良可憫□亦令所由隨事
優恤蓋不體仁無以為長不知道無以用心故道者衆妙之
門而心者萬事之統得其要□義可以兼濟於人失其指歸
生不能自全□已故

我元皇帝著道德五千文明乎真宗致於妙用而有位者
未之講習不務清靜欲□□為之政教何從而至於大和者
耶百辟卿士特須詳讀勉存進道之誠更圖前席之議至如

計按小利綜緝煩文□名且行去道弥遠違天和氣生人怨
心朕甚饜之所不取也□□□□□興元化俾蒼生登於仁
壽□下還於□樸豈遠乎哉行之可至其老子宜令士庶家
藏一本仍勸令習讀使知首要每年□貢舉人量減尚書論
語一兩條崇准數加老子崇俾敷崇道本附益化源朕推誠
興人有此教誠必驗行事豈垂空言今之此勅亦宜家置一
本每須三省以識朕懷

開元廿一年正月一日

元皇帝道德經 御注 右檢校道門威儀龍興觀道
士司馬秀奏望兩京及天下應修官齋等州取尊法物各於

本州一大觀造立石臺刊勒經注及天下諸觀並令開講

勅旨依奏

開元廿三年九月廿三日

大唐開元廿七年歲在單閼月中南呂五日乙丑

皇五從弟中散大夫使持節邢州諸軍事守邢州刺史上柱

國質達

附宋重修道德經臺記

十六行行三十五字字徑九
分題名五行行字不等正書

重修邢州龍興觀道德經臺記

朝請大夫行尚書虞部員外郎知邢州軍州事柱國何績

撰

皇帝嗣寶祚十有二年歲在困敦月屆為陳舉曠世之隆典
行今日之盛事藉田禮畢萬邦咸圖守土行春良牧之職勤
王奉

道達士之能鄙夫何人蒞斯郡政春事既

起丁壯就功熙熙然登春臺知和氣之及物也疊疊然感
帝恩之普覃也假值休沐訟絕庭墀因與同官通理上谷成
公護戎瑯琊王公縱轡康衢周覽景物有龍興觀者即巨唐
之達也階除草莽環堵卑陋謂道本無形影響而已卑能絕
跡微妙難量樹一經臺巍巍乎上挿霄漢恢恢矣莫究根原
莓苔可封塵垢覓作穢汚左右埋沒基堦度其傾危圖限朝

夕南通郵市傍接民家滌蕩逾時方認刊勒乃

唐元宗御注道德經宗子邢州刺史李質開元二十七年丁卯歲秋八月所建也吁兔走烏飛時遼代謝垂三百祀已如此矣蓬萊漸淺信可徵也因語及同官議移緝之事咸皆唯唯才方孱功遂逸於舊基北五十尺闕地及泉升高自下架之木棧續以雲梯移樹言訖懋功克成版周牆以界之揖殿宇以壯之金碧相鮮崔嵬接巖盛事既立人心翕然故知難事必作於易大事必作於細或云合抱生於毫末九層起於累土也竄辭直書用貽

多士同德度義次列銜名 大宋端拱元年歲次戊子三月

戊午朔二十五日壬午記

節度推官承務郎試大理評事張誦

石作都料霍從訓 鑄字人李思順 盧華書

校 料

節度掌書記朝奉大夫檢校尚書駕部員外郎兼監察

御史賜紫金魚袋陳長參 觀主道士謝奉靜

管内都道正左街焚修大德揚奉儀

左班殿直充兵馬監押兼巡檢王守鈞 徵事郎守太

善酒

子左贊善大夫監酒趙務張南金 通直郎守國子

博士通判軍州事成 肅 朝奉郎守殿中丞監商稅

稅監務李護

揀點神銳忠勇兵士馬步軍都軍頭金紫光祿大夫檢校
尚書右僕射使持節涿州諸軍事涿州刺史兼御史大夫
上柱國瑯琊縣開國男食邑二百戶王昭遠

右唐元宗注老子道德經開元二十三年用道門威儀司
馬秀言令天下應修宮齋等州皆於一大觀立石臺刊勒
邢州故有龍興觀開元二十七年刺史李質立石摹勒如
制至宋端拱初觀臺已廢沒知州軍事何繼始修復之鵠
記於臺左方余至邢州龍興觀已廢僅存半畝之宮先有
尼居之前太守徐衍祚改為社學而石臺尚存隱於屋後
人少知之者千年之物莫知愛惜計亦不能久矣

此歸震川集所載邢州本也歐趙所錄皆懷州本小歐
陽錄目載有閭鄉本皆見黃玉圃中州金石考在閭鄉
者題為祥符觀道德經二碑皆不注存佚畢尚書中州
金石記無之豈皆歸烏有歟錢潛研孫平津洪筠軒武
授堂與王氏萃編所載皆易州本此本自來金石家都
未著錄邢臺鐵輔之衡巍義巨石矗立城寺經諸鉅公
校輯之勤曾不一覩孰是而論懷州石臺明于司直猶
見之安知不與閭鄉二碑仍在荒林古剎間耶此刻開
元廿年十二月十四日敕稍有磨泐易州石臺亦載之
因据萃編補注十五字全唐文載是敕撮其指歸作旨

當感斯文作常奉茲絕筆作今茲歲可直言作宣言尋
其意義石本較板本自勝經後二十一年正月一日敕
易州本不載全唐文止載敕尾老子道德經宜令士庶
家藏一本已下數十字截去上文六百字又節朕惟推
誠與人等四句敦崇道本附益化源作尊崇作宏益此
條見舊唐書本紀及會要刪繁就簡體例然也全唐文
以文重而文不全錄必所據舊據舊板本已如是耳二十三
年九月廿三日道士司馬秀請諸州造石臺一奏懷州
本亦有之易州本不載懷州本依京樣摹勒有書注之
皇太子諸王名易州本蘇靈芝書此本亦別寫上石非

依京樣摹勒故皆無之皇五從弟李質史無傳以明皇
五從弟推之為太祖景景皇帝七代孫宗室世系表太祖
子南陽公等七房其六代孫無名質者表之漏也卽王
房有八代孫質不著官位其父文通表稱破蔡州有功
是其人去此此已將百年行輩亦不合與與舊舊書附傳之汴
州牙將李質皆非此建臺之人也石臺第八面中層有
宋重修經臺記虞虞部員外郎知邢州軍州事何績撰文
云舉曠世之隆典行今日之盛事藉田禮畢萬邦咸甯
按宋太宗本紀端拱元年正月乙亥親耕藉田大赦改
元蓋自太祖有天下以來耕藉禮至是始舉也何績與

諸題名人並無攷惟王昭遠有傳領寰州刺史改馬步
軍都軍頭與此碑結銜合

比部員外郎崔元隱墓誌銘

方二尺二十五行行二十五字
字七分正書石當出於濟縣

大唐故朝散大夫檢校尚書比部員外郎博陵崔府君墓誌
銘并序

公諱玄隱字少微博陵安平人也漢汝陽侯仲牟廿四代孫
燕秘書丞懿之後英挺弈世休烈冠時家諒備詳國史昭著
曾祖封洎北齊安東將軍濮陽太守祖孝康隨長平郡陵川
縣令父世標唐饒州司戶參軍婺州龍門縣令宰邑清口將
軍城通德惟高象賢不墜公即龍門府君第二子也庭習
鍾鼓家傳禮儀敏洽天成詞華代許射策擢第拜揚州大都

國督府參軍行滿專城譽流江國無何制舉授許州司戶調補
汾州介休縣丞轉□州司功參軍時屬求賢對楊居取特授
右補闕俄遷尚書比部員外郎弼違獻可抗議雲階含香握
蘭騰芳星署尋加朝散大夫行奉職也公開物^本和義貞固幹
時負鼎之說未昇遷舟之灾奄及以萬歲通天元年八月十
九日寢疾而終春秋六十有四歸窆於衛州衛縣北宮唐村
北一里夫人賴川陳氏陳世祖文皇帝四代孫文州刺史昭
列之女也鳳樓早謝龍匣先沉權殯於宮唐村北雙墳相次
禮祔未終長子諒朝散大夫徐州蕭縣令次子誦華州司法
參軍痛結九原志惟再舉先陰不駐霜露俱凋第三子朝散

大夫行永王府記室參軍詎早歲閔凶幼丁偏罰昊天不弔
未冠而孤哀結蒼穹□深同極既盡開瘞之泣還思負土之
勤以大唐開元廿七年□次己卯十月庚申朔廿六日乙酉
遷厝同祔于宮唐村北三□□也庶□田□變封樹知歸成
寢西階旌紀猶在銘曰

炎帝□□太公華胄鳳羽儀衣冠領袖將軍威武作□□
□□曹□懿垂裕後昆降及顯考家傳餘慶禮以閑身學而
□□□□對□結□□□蘭薰雪瑩菊茂霜明玉階超舉仙
臺載□□□□歲輔仁何昧□衡未陟霜□先背顛顛好仇
孤墳相對嗟□□子卜北初成西□□村東麓開塋悲風長

駛壠月空明

右隹元隱墓誌銘云歸窆^定於衛州衛縣北宮唐村按唐
衛縣在今河南濟縣西南石出土^當在其地元隱及其
曾祖祖父諸子皆無攷云漢汝陽侯仲牟廿四代孫者
元和姓纂秦東萊侯^{萊侯}崔如意二子次仲牟居博陵安平
是也然不言其封汝陽侯誌殆^據家牒云然耳龍邱縣
唐貞觀八年置隸婺州垂拱二年^年改屬衛州誌云父世
標唐婺州龍邱縣令是其服官在垂拱以前五十年間
也元隱射策擢第拜揚州大都督府參軍揚州置大都
督始^於武德九年^年貞觀十年改為都督龍朔二年復昇

為大都督府據此知元隱擢第在龍朔後就其卒年推

之時年三十餘矣第三子証行永王府記室參軍永王

明皇子璿也家諜之諜即避太宗諱作諱而世字三見

皆不闕筆何也世標仕太宗高宗朝而名不改避又何

也元隱卒於萬歲通天元年夫人陳氏歿更在前子証

以開元廿七年遷厝同祔蓋相距已四十年云

又按龍邱本漢太末縣元和郡縣志云晉改為龍邱因

縣東龍邱山為名隋末廢貞觀八年又置舊唐書宗之

而唐書龍邱下云本太末武德四年置并於縣置穀州

白石縣八年州廢省太末白石入信安貞觀八年析信

安金華復置更名龍邱是龍邱名縣自唐始也然李吉甫志後世推為詳贍無不根之說其必有所受可知特不載書傳名目莫可考其出處耳晉書地理志東陽郡領縣有太末而無改龍邱之文歐陽公始以於晉無徵故削之歟惟晉書地理志為房元齡等二十人所撰地理之學非所研究漏略為多說見畢氏沅新補正序不尋軌歐史而議吉甫之誤也畢氏晉書地理志新補正晉於此立龍邱縣按樂史之說本之吉甫似當以元和郡縣志為證

劉師操等造經像石欄石槽記并陰側

高三尺五寸二分廣一尺九寸六分上半截龕像一層左
右各二行心經一層二十行行十四字字後五分末
有題名二行下截記十二行行十四字至三十字不
等字徑六七分題名一行後空六寸餘又有題名二行均

正書在完縣
山三娘子寨

大唐開元聖文神武皇帝供養

二行在龕左
字大小不一

為國敬造石經一條指龕偽一鋪上為國王及州縣宰主供

養

二行在龕右
字徑寸餘

佛說般若波羅蜜多心經

經文不錄

右一列在龕下與龕
各居石上半截之半

開元年

大唐故同夫城銀釵水□石經空石鈞欄石槽等之□

原夫銀釵水者此當□□之野因物立号縣緒永年其□側

也□聖帝遺蹤形勝之地西臨水重潤騰波浚下仙山上

綬雲漢北有力士崖者邈然峴鬱恠異多姿松梓煙霞四時

恒茂其□□□同夫城者龍池久滅靈□尚存古邑荒墟悲

風蕭瑟其□水者橫泉飛起阡陌旁流人畜涉蹤揭厲□穢

下□□□□其消失物有不朽者莫過於石也遂琢石為

錡并□一其具石經一條□龕佛像一鋪其像乃光相圓滿具

足威儀其經則玉佛金□□□琬琰者矣其詞曰昔在

昔在唐虞聖蹤咸設帝□□賢□□□□河已就□水斯

□一至于今湍流不絕其一□□□□□其□□□為□飾
玉為□法合規模有儀可懼毗代作楨永□□賦其二伊□銀
□□以玉槽清則□泄有濁則滔外容似鼎內勢□鑣不汲
自盈弥□弥宰其三敬仰絳像普為倉生八字數大是後來所刺
北平縣前鎮將劉師操息縣錄事劉□珎男繼祖僧主石加
慶□□

右在下半
截前半

循詔人楊虔均能興觀通仕司徒□□沙弥八□
楊慶一經主比阿尼阿勝沙弥什娘尚

右二行在
經文後

司徒待□司徒待賓男崇光 劉大和 王庭玉郭神都劉
阿里

功德主張阿七妻王女李琰□□期菩薩主□小□馮興

泗下

右二行在下
半截右邊

碑陰

拓本高一尺一寸五分廣一尺五
寸五分十二行行字不一正書

石龕主龍興觀道士司徒□□石龕主趙三娘息司徒日

進弟奴兒女大娘 石龕主王貴卿妻苑女三娘 龕主

王待奏為亡父見存母奏妻劉息希玉女大娘二娘三娘

龕主劉思太妻張息鸞京息阿悌 龕主張止靜妻趙

龕主劉阿舍妻王 龕主上騎都尉王元慶妻劉 龕主王

兩

惠謀 龔主宋令言為見存父母 龔主王思慶妻趙 龔主薛周子為亡父見存母子妻安 龔主劉子期妻張息靈

琰 龔主祖懷謙妻劉

碑兩側

廣各三十一三行一四行二列
長短不一字徑七八分行書

劉阿恩陽謙韓待伯傳抱臂妻韓曾郎子劉仁靜畫生張玉
山

功德主楊乾武為亡過繼父楊阿登母劉武亡妻張亡男阿
珎合家供養

初張 郎兄楚劍妻田男七娘子亡村張孟孟合家供養

以上
一側

施主郝漢子 亡父郝崇太施主張楚朝党知欽 男思庄

亡母王

功德主陳希亮妻張劉立靖妻王樊樂子霍山岳妻劉

趙元享弟利貞 呂思太弟思德妻張

僧主石加慶亡父石平遼母劉 董龍仁妻王

功德主劉師子亡過妻袁男思景思訓

右件有名者並是諸庄施主同心供養 □思□張阿□

□ 以上一側上截
四行下截二行

雲麾將軍李秀神道碑

草編載卷八十五
補正載卷五十七

前裝全本以今二碑存字數之約高五尺許
寸三十三行行四十八九字字徑一寸行書
臨川李氏藏

唐故雲麾將軍左豹韜衛翊府中郎將遼西郡開國公上柱

篆額字徑四寸餘

國李府君神道碑

并序

靈昌郡太守李邕文并書

逸人太原郭卓然模勒并題額

嘗以張子繡承珥貂蟬者七葉楊公丕楫乘朱輪者十人矧
乃地雄一方鼎貴百代揔武旅而□□絕朔漠而橫行故能
軒蓋六朝印綬千數騰越今昔飛行去來者其惟一門毀公

諱秀字玄秀范陽人也姓范曰范陽李者其先出自隴西洎
前燕太子太保武陵元公產子續濟北郡守抗後魏北營
州刺史固安侯崇崇子儼遼東太守回家焉代為本累登
連率其政平大其人庶圖以至於曾祖諱愷府君遼東都督
令德安仁畢誠大節臨下以簡制事以中祖諱楷府君左衛
大將軍持節燕州刺史英算雄舉武誼超絕猿臂貫草鶴陣
搴旗考諱謹行府君左金吾衛大將軍牙將畫巡信臣夜拜
忠無二命義有一心公幼而英明壯而特達碩膚海口美稱
鸛領讀書益智笑三年之癖酌酒行禮短七賢之過差意
氣論交平生感義引弓抱月澤劒流星誦習六韜不異人意

尋覽三略殊數□□及二九□遼什伍禦寇耳以金鼓目以
旌旗紛紛紜紜雜雜沓沓公乃獨出獨入一縱一橫□飛鏃
應弦以陷堅回戈隨手以包敵議者以為良將之子名公之
家張遼解圍蓋其□□李廣飛將居然在茲特拜游擊將軍
曰者犬戎侵邊虜臣擁節公以名數見呂義勇備行遠登隴
預謀入幕規畫公日多算少算惟稟廟堂□縱七擒終期主
將今吐蕃之勝者有五我之長者惟一誠能沮彼勝用此長
師可濟矣何者五勝一日深入國家之地二日大收國家之
表三日排甚厚五兵不能穿四日陣甚堅三軍不能潰五日
槍長鋒利短兵不能敵何謂我之長者一若練蕃兵選驍騎

伺其去誘之來馬小而人多甲重而排厚無陣可整無地可依以蕃兵撓其行以駭騎乘其亂此以一取十所云必勝也時議休之一戰而吐蕃大敗恩加忠武將軍右衛翊府左郎將累載吐蕃報東門掠西牧衆倍於昔心銳於茲蓄糧練兵設奇乘間是時也列藩失檢諸軍艱食轉輸不足以□□倉困不足以曠白戰則我單師彼厚陣守則我糧絕彼資多公乃言日不若罷全軍退就粟麥用偏卒存食牛羊驅之不難啖之又省自可持久邀其墜歸且吐蕃以大軍迴小敵在何有備預必不識嚴其戒銜枚銷聲乘夜竊發攻前擊後襲東取西此可愚也兵法日以少擊衆必以日之夜理存於此議

國

者多之聽其言行其榮自有七夕雲霧晦風沙昏公乃暗號
潛□深入□振吐蕃以為天兵摠集團師數重盡其力以自
誅回其亂以自北遲明而營壘□踣亭午而道路繫縲者不
可勝數我天子錄異等加樞功特拜雲麾將軍左豹韜衛尉
府中郎將封遼西郡開國公食邑二千戶前後降宸翰賜御
衣金銀□□錦服者至于八□嗚呼日有側時有未以開元
四載四月一日春秋六十有二薨于范陽郡之私第邊鎮奪
□士卒悼心惟公德礼冠倫周仁而勇詩書滿腹多才而謙
朋執重之雅推頤友朝廷許者僉先長城祿俸散於戰人玉
帛均於門□或暮春三日高秋九尺或納吉延賓獻歲聚族

或

買一日下似有悅字

曾

盛禮張樂撞鐘舞庭興馬跡於郊坵羅穀照於廊廡國家方
築壇拜將分間即戎而魂歸於天山藏於澤命也夫宜室范
陽郡夫人班氏西河郡司馬恩府君之息女賢和淑慎靜恭
貞白移而輔之以德訓子而教之以方亦既有成曾は無愧
以天寶元載合葬于范陽福祿鄉原禮也因子朝議大夫使
持節景城郡諸軍事守景城郡太守兼橫海軍使仍充河北
海運副使賜紫金魚袋上柱國偃智貞謀長體大心正懿父
壯武廣孝移忠惟肖前人克構丕業形政尤異立事通明直
繩開邪遠重容物調懸軍之急海無驚波恒臣防之虞山不
舉燧利倍往昔功省今茲名動藩維福潤河朔夫子云與其

國

加錫其詞口下有五用
大約古之字今字十之

進者也每泣血桐栢椎心霜露忍桑田或變陵谷仍遷是題
豐石之碑式表先公之墓其詞

倬彼茂族赫乎高門經文緯武翼子謀孫岳立邊鎮風生塞

垣英奇照灼朱紫頻繁其施及我公克廣尔祖敷書悅樂重

規疊矩受略揔戎設奇虜東征西襲戰勝攻取其克賞懋

功屢拜榮秩五色云萬里投筆遼水渺滁隴山率勤勞

報主往還計日其聖代流渥昌時樹勳衣題錦字札曜大文

方將遏虐奄薶招魂悲纏九族應切三軍其黃河東浮白日

西側還流不可倒輪無力大將未鏖短辰已極草樹蕭條雲

山悽惻其哀哀令允藥藥棘心築墳則古紀石非今訴終天

予痛結跼地予悲深□斯人予至性伊廐□予難尋其
天寶元載歲在壬午正月丁未朔十日

慈敏 張昂等鐫

李北海書如王良御駿馬雖奔軼絕塵而未始不範我馳
驅也數年前有客自范陽來嘗持此碑見贈觀其字畫擁
腫不類扣之則曰好事者恐歲久漫滅重加鏤剔故肥而
失其真耳吁可歎哉若此本者何可復得也師其實之京
口俞希魯識

唐人大抵多能書李北海尤為當時欽豔論者以為東林
嶽麓諸帖皆不及雲麾碑謂其沈著痛快中有含蓄渾融

之妙也甘露無二長老精於書法知決擇購得此本龍鳳
五年十月旦日因陪中齋俞先生過方丈披閱數四京口
顧觀

北海書雲麾將軍李秀碑碎裂於良鄉重覓於宛平自明
以來久無全本矣廠市書畫樓陳君萬璋於汴梁郭姓偶
得此碑搨本篆額碑文居然完璧觀者咸詫為希有陳君
為予物色妙蹟頗多此本亦亟欲歸予其時朱椒堂京兆
蔣簡園侍御方謀鳩工重勒一碑於法源寺未成貿也越
三年碑成而陳君已逝因以厚值購於其家諦視其筆法
個個沈雄全從羲獻得神開後來趙董支派覺雲麾李思

訓碑及麓山東林諸碑皆在其下予家有莫氏瑤墨齋殘
本存五百七十餘字雲卿思翁手跋並目為唐搨此本完美
 殆又過之去秋來傳南來攜隨行篋暇時臨做惜其文多
 紊亂爰覓善手細意重裝起訖班班可讀剝蝕纔廿餘字
 雲錦有章天衣無縫真吾靜娛室中奇寶也道光九年屠
 維赤奮若人日臨川李宗瀚呵凍識於武林使院

萃編載李秀碑據二礎錄存凡一百五十七字 先大

夫補正六字蓋自有明以來世少全本久矣臨川李氏

藏此冊有龍鳳五年元末韓林兒偽號俞希魯願觀二跋碑文

剝蝕才廿餘字洵海內希有之寶也秀兩唐書無名其

謹行列新書諸夷蕃將傳碑稱秀范陽人引姓苑其先
出自隴西洎前燕太子太保武陵元公產產子續濟北
郡守抗後魏北營州刺史固安侯崇崇子儼遼東太守
因家焉攷之史惟抗及儼無徵產晉書有傳范陽人仕
燕慕容儁重之拜太子太保與碑同特不載其爵謚子
續太子中庶子崇見魏書李訢傳訢父也官至北幽州
刺史固安侯碑於續作續結銜亦互異崇北幽州刺史
作北營州未知孰是惟訢傳云曾祖產產子續二世知
名於慕容氏字亦作續碑殆承姓苑之謠矣秀父謹行
史稱韃靼人父突地稽部酋長也隋末率屬內附居營

州武德初以其部為燕州授總管貞觀初進右衛將軍
賜姓李突地稽者即碑所謂祖諱稽也然則秀祖父為
北狄種太宗始賜姓李非范陽李可知後人因居范陽
而依附牽合之泰和未加察耳碑稱稽左衛大將軍持
節燕州刺史謹行左金吾衛將軍傳皆未及可據碑以
補之碑有二九□遼什伍禦寇云云按秀以開元四年
卒年六十二是其生在永徽六年二九則為咸亨三年
高宗本紀咸亨元年四月高麗酋長鉗牟岑叛寇邊以
右監門衛大將軍高品為東州道行軍總管右領軍衛
大將軍李謹行為燕山道行軍總管伐之按東夷高麗

傳是役歷四年乃平此秀隨其父立功拜遊擊將軍時也嗣是秀以禦吐蕃功加忠武將軍右衛翊府左郎將後又以異等特拜雲麾將軍左豹韜衛翊府中郎將遼西郡開國公左豹韜衛武后所改神龍元年復故秀立功在武后時故曰左豹韜衛也吐蕃自咸亨上元以後數寇邊謹行傳云上元三年破吐蕃於青海璽書勞勉封燕國公碑於謹行不書爵何也而秀之加忠武將軍右衛翊府左郎將知在其時矣又按吐蕃傳及武后紀長壽元年武威道行軍總管王孝傑等大破吐蕃復四鎮延載元年復敗之冷泉久視元年吐蕃寇

涼州隴右諸軍州大使唐休璟擊之斬首二千級都督
陳大慈四戰皆克秀以偏將從征雖有可稱記載所不
能及然其設策卓然有古名將風而史不附於謹行傳
後豈其功不足觀北海此文亦未免諛墓歟秀子偃無
攷景城郡即滄州本渤海郡西南有橫海軍開元十四
年置天寶後廢大麻元年復置立碑在未廢時故偃以
太守兼軍使也 碑高廣尺寸行數字數以原刻殘石
繫之具詳前注額九字當是三行此北海街名低五格起
寫郭卓然一行即在此行之下碑於廟堂國家等字並
跳三格宜室范陽郡夫人按其行字亦跳二格惟移□

而輔之以德令第二礎猶存移下跳格未知取義銘中
其一等字下各跳一格亦於礎中知之原石久亡榻本
不可復見詳覈碑式每行界一橫綫俾後之覽者如見
原碑當亦為之一快也

韋元倩墓誌銘

高一尺六分廣一尺一寸十七行行十七字末空一行字
徑五分正書石出西安常熟邵沐生少宰得之藏於家

大唐故安化郡馬山
□□韋公墓□□
序序

公諱元倩字□□□□人也自承章命族鍾□承家蟬
聯簡諫可□□□□祖□隨州司馬祖隱檀州刺史孝慈藏
衛尉大□公幼□敏聰長實茂異孝為德本忠能奉君□里
□其仁用友深於信年始十有三屬天□事於南郊公
以俎豆述職厥有成績□從□於天官無何尉滄州樂陵初
筮仕也□滿□潞州七留佐庶政也更□宰慶州馬□□
功也政洽于下所莅有方謂懸望於□□何奄從於逝水鳴

唐天寶二年二月廿日

年

呼哀哉以

天寶

□

年八月廿三日怛化於馬嶺之官舍

享年□八家推梁木輿攬空歸以二年二月廿日□窆於長

安之畢原禮也□允子體溫等敢刊□□□之銘曰松檟蕭

兮畢之原墓草□□兮□山門韋□此地兮何可論

右韋元倩誌字貫俱泐其父慈藏見舊書方伎傳與張

丈仲李虔縱並以醫術知名景龍中為光祿卿與誌稱

衛尉大□異誌大下泐一字按六典及職官志衛尉寺

官未嘗有以大為名者標題故安化郡馬下闕三字序

中更□寧慶州馬□其字亦闕按地理志關內道慶州

領縣有馬嶺天寶元年改慶州為安化郡元倩宰馬嶺

在未改以前故序稱慶州撰志在既改以後故標題特
書安化郡也標題所闕為嶺縣令序所闕亦嶺字自可
據以補之韋氏著籍京兆者皆萬年人傳稱慈藏京兆
人則元倩之為京兆萬年人亦可以意補其闕矣衛尉
大下疑是卿字然以大卿示別於少卿殊失之贅七行
天口事於南郊當是予有二字今泐止一字疑原文有
有字耳元倩以二年二月寔其卒年泐一字為元可知

陳廷朗造像題記

碑高未詳拓本僅有上截一尺六寸廣一尺八寸文在龕左右各一行字經六分正書

唐天寶二年歲次癸未七月□□朔十八日乙卯發心一行在龕右

戴

碑主□廷朗妻戴氏 □陳廣 □□缺約五字□父恩礼母張

氏一行在龕左

廷朗姓佚審其所存一二筆似是陳字按舊唐書本紀

天寶三載正月丙辰朔改年為載而新唐書則為丙申

此刻七月□□朔十八日乙卯逆推所為戊戌自是

至十二月歷二小盡與三載正月丙申朔正合舊書作

天寶二年七月廿八日

丙辰^曆殆根本寫刊之誤且舊書正月有庚子遠左右相
已下祖別賀知章壬寅幸溫泉宮兩事惟其為丙申朔
故庚子為五日壬寅為七日也若丙辰^長朔則是月不得
有庚子壬寅矣通鑑目錄是年七月戊戌朔是也

崔夫人獨孤氏墓誌銘

石方一尺二寸一分二十三行行二十三字
題及末行并寫方界格裡五分正書在西安

大唐故奉義郎行洪州高安縣令護軍崔府君夫人河南獨

孤氏墓誌銘序

夫人河南人也父諱奉先果州長史蜀國公純粹英靈傳之

勝古祖姑三代作配

君王蜀公即

唐初

元貞皇后父故梁王信之嫡孫也

夫人

先舅諱大方海州刺史公果行育德作為人範無施莫可家

國有聞

提行
提行

夫人德嗣謙柔性惟恭敏周旋□□□母儀□□貴門□
天盛族前室有女嗣謂繼親鞠育情深若已□□□□應
選此鞠凶以天寶二年十月十七日育背於長安縣嘉會里
之私第時年七十嗚呼哀哉逝川無歸窈窕長往攀慕不及
靡潰五情嫡子朝議郎通事舍人內供□李梁痛

慈顏永隔五內屠裂痛天叫地四極難追嗚呼哀哉日月不
居卜其宅兆歲時不便未得遷祔
先塋不謂存者

生疑實恐未安泉路今且於
府君塋西北一百五十

步得地以十一月二日庚時權
安厝於長安縣義陽鄉

義陽原禮也昔吳雄葬母不擇地而
塋今季梁所封有同於

往日嗚呼哀哉至通年擇日遷祔於先塋李梁自鍾艱罰觸
緒崩摧悲不及文狀力銘紀

仁邑四德誠信百齡月懸星署名其永貞其世間難事為□

繼親始終如一憐念日新其萬象有類天地無依陟彼岵

岵哀荒失儀其尚存餘喘將以送終刊石元壤傳紀無窮四其

天寶二年十一月二日長子朝議郎通事舍人李梁修

并書

此誌未見前人著錄當是近年出土誌為其子李梁撰
并書夫人之夫故奉議郎行洪州高安縣令護軍崔府
君誌不詳其名其父獨孤奉先果州長史蜀國公即唐

初元貞皇后父梁王信之嫡孫按獨孤信周書有傳信
長女周明敬后第四女元貞皇后元和姓纂第七女隋
文獻后即誌所謂祖姑三代作配君王也元貞皇后唐
元皇帝之妃高祖之母父信仕魏使持節柱國大將軍
大都督大司馬河內郡開國公遷太保太宗伯進衛國
公隋文帝建極贈太師上柱國冀定等十州刺史趙國
公謚曰景未嘗封梁王誌稱梁王未知何據信嫡長子
羅襲爵趙國公煬帝嗣位封蜀國公子纂嗣是襲蜀公
者纂也非奉先也奉先史無名誌言蜀公奉先為信嫡
孫與史不合又按唐書獨孤懷恩傳懷恩元貞皇后弟

初元貞皇后父梁王信之嫡孫按獨孤信周書有傳信
長女周明敬后第四女元貞皇后元和姓纂第七女隋
文獻后即誌所謂祖姑三代作配君王也元貞皇后唐
元皇帝之妃高祖之母父信仕魏使持節柱國大將軍
大都督大司馬河內郡開國公遷太保太宗伯進衛國
公隋文帝建極贈太師上柱國冀定等十州刺史趙國
公謚曰景未嘗封梁王誌稱梁王未知何據信嫡長子
羅襲爵趙國公煬帝嗣位封蜀國公子纂嗣是襲蜀公
者纂也非奉先也奉先史無名誌言蜀公奉先為信嫡
孫與史不合又按唐書獨孤懷恩傳懷恩元貞皇后弟

父整云云誤以后為整女整信之第七子也唐高祖本紀云隋文帝獨孤皇后高祖之從母則后為信女可知又懷恩傳云高祖嘗戲懷恩曰弟姑子悉有天下次當舅子乎自稱姑子稱懷恩舅子則其非后弟而后亦非整女可知舊唐書懷恩傳作元貞皇后弟之子是也新書誤奪二字耳獨孤氏自雲中遷武川武川在今河南南陽縣北唐屬山南道鄧州而夫人為河南人則又自武川遷河南矣按唐書獨孤及傳云河南洛陽人及殆夫人之族屬歟夫人先舅大方見宰相世系表官海州刺史與誌正合其夫及子季梁則表皆不載

五品孫陳周子墓誌銘

縱一尺一寸三分廣一尺一寸十
八行行十七字字徑四分正書

大唐故五品孫陳府君墓誌銘并序

潁川陳氏子諱周子丁內艱再月號泣過度天寶二年十月
廿四日春秋世不勝疾而終同以其年十一月十四日龍集
癸未陪母氏吳興沈夫人葬于壽安積善鄉之原禮

觀

也噫固尔文詞崢尔翰墨操札勢絕繹思致奇雖學植未周
而靈機頓啓才有擅於豐麗體頗長於閑逸爵祿可謂以觀
察吉凶遂其聞奧方期圖華倏隆家寶若謙和仁愛友悌
宗親又不覩其親陳矣近覽班史名氏不遺仙書牙琴鉉徽

唐天寶二年十一月十四日

懷

必叩母良辰清夜繫於手則山水在側聆於耳則音韻入懷
亭之千金不可復見然卜商豈授於一過李子安止於三辨
哉其所製雜詩及至人無心數賦共一卷并漆琴一張寘半
栴村蓋尔請也父洛陽縣尉齊卿述焉銘曰

有神孰軍無罪何殃室家弥悴蘭桂銷亡墳□□列母子相
望一朝歡愛万古悽涼

右陳周子墓誌銘其父洛陽縣尉齊卿述周子年二十
丁母艱再月號泣過度不勝疾而終天寶二年十一月
四日陪母氏杜夫人葬於壽安積善鄉之原標題稱五
品孫陳府君以父銘子而稱府君殊乖名義六典凡資

蔭五品已上蔭孫孫降子一等選舉志太學生五品以上子孫等為之周子之祖官至五品故得蔭及孫也誌不敘三代亦不著其籍惟云潁川陳氏而已壽安唐志屬河南府為今宜陽縣石出土當在其地

昇序二字
身注

法昌寺圓濟和上塔銘

高一尺四寸餘廣二尺二十七行
行十九字方界格徑七寸正書

故和上法昌寺寺主身塔銘并序

稱佛謂何本期於覺覺則無念乃去妄源歸法謂何本期於
了了則達彼乃到真乘此謂度門誰能_固矣故法昌寺主圓
濟和上即其人也孤寡重華之後生緣讓畔之鄉摠_口敏聰
諸法懸解傳本寺先和上仁藻之密印承 育出家遊西京
不住相之縑徒袒肩受具法雖示其未捨心已湛於真如同
須菩提第一解空終優波離不忘持律十餘霜露杖錫歸來
充本寺律師尤高精義_{口口}徒眾仰進經維 和上遺之恐

卅

琬邑

護

住者□貽就之恐禍養受損乃曰捨粟麥十萬圭用補常住
因知僧事豈怠功勳智慧無涯倉儲盈瞻心符妙用故不滯
□來迄混有為放不虧崇樹於本寺為過往 和上建功德
塔一十一級在身心為砂界含生持蓮花津品日餘一遍凡
卅載隨因證果出有入無千里□緣徒師有如市一門釋子
落髮者數十人 和上夏五十九壽八十一以天寶二載癸
未歲冬十二月蓮疾忽於夜曰吾此室內朗明如畫此非非
相吾將逝焉至廿八日泊如長逝弟子法燈等緇慟靡及安
神於寺西北一里護持喪事者繼踵贈贈助哀者傾城龍馬
咽而雲悲虞尚慘而雨泣身塔創起琬□未刊僕此邑西人

倫聞厥事慙越境而訪拙課鄙述以成銘其雄狀龍鱗堂級
□錯丰楹雲漢常對虛空此則萬掌合而攸歸千目迴而忘
仰余不紀矣獨舉德焉偈曰 我師深入度門玄密藏窗照
誰窺焉今解形以示滅吾不知夫所以然

進士韓詮撰 進士董光朝書 趙嶠鵠

潛研堂金石文有目寰宇訪碑錄載之未詳所在